

Universitätsbibliothek Paderborn

Marii Mercatoris S. Augustino Æqualis Opera Quæcumque Extant

[Complectens Ea Quæ Ad Hæresim Nestorianam Spectant]

Marius <Mercator>

Parisiis, 1673

Caput XXVII. Dicta de Christo.

urn:nbn:de:hbz:466:1-14215

DE INCARNATIONE UNIGENITI.

239

*erat Verbum, & Dens erat Verbum, & erat etiam Verbum apud Deum, ut sapientissimus Evangelista commemorat. In consummatione autem temporum, propter nos homines, incarnatum est, & homo est factum; non amittens quod erat, sed retinens inconvertibilem suam naturam, & semper in divinitatis fastigio collocatum; suscipiens tamen propter nos dispensatorie exinanitatem; * nec inhonorans pauperiem, quæ humanæ naturæ convenit: nam cum esset dives, pauper est factus, sicut scriptum est: *Ut nos paupertate ejus dives essemus.* Factum est igitur homo, & generationem ex muliere passum dicitur. Igitur propterea quod ex sancta Virgine vere sibi adunatum corpus accepit; inde Θεόνος esse dicimus Virginem sanctam, quia id humane, sive secundum carnem peperit, licet haberet ante secula generationem ex Patre.*

*Opinari autem nonnullos Verbum hinc initium fuisse fortitum, cum homo sit factum, impietatis est furorisque plenissimum. Eos etenim insipientissimos esse, monstravit ipse Salvator de se dicens: *Amen dico vobis, antequam Abramum esset, ego sum.* Quomodo enim alter ante Abraham erat, qui multis post temporibus secundum carnem natus est? Satis autem ipsos, ut opinor, redarguet divinus Johannes dicens: *Hic erat, de quo ego dixi: Post me venit vir, qui ante me factus est, quia prior me erat.**

*Pratermissentes igitur in re tam frivolam sine causa certare, ad illud magis veniamus, quod etiam emolumenti aliquid possit afferre, ne moleste ferant nonnulli audientes, esse sanctam Virginem Θεόνος, nec incredulitatis Judaicæ suas oppleant mentes, imo vero etiam paganicæ impietatis. Judai etenim aggrediebantur Christianum dicentes: *De bono opere non lapidamus te: sed de blasphemia, quod cum sis homo, facias te Deum.* At vero filii pagorum Ecclesiæ dogmata derident, audientes ex muliere Deum esse progenitum; sed illi quidem suæ dementiae exident*

fructus, & audient a nobis: *Stultus stulte loquitur, & cor iustus vanam intelliget.* Nostris enim mysteriis ratio, licet Judæis sit scandalum, gentibus autem stultitia; nobis tamen, quod scimus, vere est admirabile, & salutare, & dignissimum credi: & si esset omnino quicquam, qui dicere auderet, hanc carnem terrenam nudæ divinitatis fuisse genitricem, & ex ea creatura omni superiori natam fuisse naturam, insania id esset & furor. Neque enim ex terra divina est facta natura; nec corruptibile incorruptionis radix vñquam fieri; nec mortalitas patet vitam; nec corporis tractabilis incorporale fieri germen; nec inveniatur a creato nascetur; nec quod absque initio, ab eo quod habet initium.

Verum quoniam Dei Verbum juxta nos factum esse affirmamus, & nostris corporibus corpus sumpsiisse consimile, idque sibi verisime adunasse, arcana incen-

bilique ratione, & sic hominem factum carnaliter natum esse, quid absurdum est, vel quod credi non debeat? Cum præser- tim hominis anima, ut sèpissime diximus, cum sit naturæ alterius præter corpus, nascatur tamen cum ipso, cum sit ei adunata, nec quisquam arbitretur naturam corporis animæ initium præbere substantiam; sed immixxit quidem ipsam inestimabiliter Deus in corpus, & cum ipso etiam nascitur: unum tamen ex utroque animal definitum, hominem scilicet. Igitur Verbum quidem Deus erat, factum est autem & homo, & quia natum est secundum carnem, propter humanitatem necessarium est, ut qua ipsum peperit, sit Θεόνος: nam si non peperit Deum, certe nec dicetur Deus, qui est ab ipsa progenitus; sin vero Deum ipsum divinæ scripturæ nominant, peperit ipsa Deum hominem factum, siquidem homo alter fieri non posset, nisi per generationem ex muliere. Quomodo igitur non sit, quæ ipsum peperit, Θεόνος. Quod autem Deus sit verus, qui natus inde est, ex divina scriptura dilcimus.

C A P U T X X V I I .

Dicta de Christo.

Ioh. 7. v. 14. justa Mattib. & Cyrilli lectionem.
ECCB *Virgo in utero accipiet, & pariet Filium, & vocabunt nomen ejus Emmanuel.* Quomodo ergo id quod natum est ex sancta Virgine, Emmanuel nominatur, cum Emmanuel, ut ante dixi, significet in nostra natura propter carnem fuisse Verbum, quod est Deus verus de

Deo vero? Sed factus est Emmanuel: exinanivit enim se, generationem nostram & similem passus, ac sic nobiscum conversatus est. Ergo & Deus in carne, & Θεόνος vere est, quæ eum carnaliter, sive secundum carnem generavit.